



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archidiacono Et Priori sancti Stephani de Ponte Florentin.

urn:nbn:de:hbz:466:1-20020

dicto magistro archidiaconatum adjudices
sapedictum, & facias ab eo possideri,
contradictores per censuram ecclesiastici-
cam appellatione remota compescens,
auditurus postmodum si Patriarcha vel
alius aliquid proponere voluerit contra
eum, & appellatione postposita fine
canonico decisurus. Idem quoque te
facere volumus & mandamus si tantum
ad Patriarcham donatio ejus spectat, &
Canonicos donationi ejus vel Cardinalis
constiterit consensisse. Alioquin cum à
tempore quo ipsum innovuit vacavisse,
post clausum sex mensium tempus infra
quos Patriarcha uti suo jure neglexit, de
communi jure non ad nos sed ad Capitu-
lum Antiochenum archidiaconatus col-
latio fuerit devoluta, si Capitulum postu-
larit, eidem magistro perpetuum silen-
tium imponere non omittas; non obstan-
te quod ipse quasdam litteras præfati
Cardinalis ostendit in quibus fatetur se
concessisse archidiaconatum eidem prop-
ter multiplices rationes, cum per alias
litteras Cardinalis ejusdem, quæ illas præ-
cedunt, & alias etiam quæ illas sequun-
tur, ipse Cardinalis hanc sive concessio-
nis rationem assignet, quod idem archi-
diaconus ultra sex menses vacaverat,
unde ad Romanam Ecclesiam ipsius erat
donatio devoluta. Datum Roma apud
sanctum Petrum v. Idus Ianuarij anno de-
cimo.

*ARCHIDIACONO ET PRIORI
sancti Stephani de Ponte Florentin.*

Appl. 117.
Deputatur
receptores ad
missi Episco-
pus Lucanum.

Accidentibus ad præsentiam nostram
dilectis filiis . . monacho monaste-
rij de Ficiculo & . . Lucani Episcopi
procuratoribus dilectum filium Rogerium
tituli sanctæ Anastasie Presbyterum Car-
dinalem concessimus auditorem. Coram
quo dicti monasterij procurator proposi-
tus quod cum olim causam quæ inter
dilectos filios Abbatem & conventum mo-
nastrerij sui ex una parte ac dictum Epis-
copum ex altera super institutione Pleba-
ni in plebe de Ficiculo vertebatur, Ab-
bati sanctæ Mariæ ac Priori sancti Lau-
rentij duxerimus committendam, dictus
Episcopus citatus ab eis, ipsorum adire
præsentiam recusavit, super eadem cau-
sa ad dilectos filios Præpositum sancti
Geminiani & Priorem sanctæ Repara-
tæ quasdam à nobis litteras postmodum
obtinens nullam facientes de prioribus
mentionem. Quare Abbas prædictus co-
ram eis noluit litigare, afferens litteras il-

Tom. II.

O ij

las veritate tacita impetratas, cum men-
tionem nullam priorum facerent littera-
rum. Verum utriusque partis procurato-
res ad nostram præsentiam accedentes,
causam ipsam dilectis filiis Abbatii de Sex-
to & Priori sancti Fridiani obtinuere com-
mitti. Sed corum altero ante litis ingre-
sum morte prævento, sapedictus Episco-
pus traxit eundem Abbatem ad judicem
secularem; ad cuius præsentiam pars Ab-
batis accedens, & allegans commissiones
apostolicae sedis & privilegia ecclesiastice
libertatis, eidem Episcopo inhibuit appel-
lando ne ipsum coram seculari judice com-
pelleret litigare. At Episcopus, appella-
tionem contempta, ipsum Abbatem per
eundem sibi fecit judicem condemnari.
Propter quod nos venerabili fratri nostro
Fesulanensi Episcopo & dilecto filio Ab-
bati sanctæ Mariæ de Florentia nostris de-
dimus litteris in mandatis ut juxta præ-
dictæ commissione tenorem in ipsa causa,
appellatione remota, prævia procederent
ratione, super eo quod idem Episcopus ad
seculare forum supradictum traxit Abba-
tem quod esset canonicum statuentes &
facientes per censuram ecclesiasticam fir-
miter observari. Porrò judices ipsi, quia
dictus Episcopus peremptoriè citatus ab
eis noluit comparere, receperunt testes
Abbatis, & eundem Episcopum in expen-
sis septuaginta librarum, quas Abbas fe-
cerat, condemnarunt. Nos vero atten-
dentes quod dicti judices ordine judicia-
rio non servato in ipso negotio processe-
runt, processum illum irritum decernen-
tes, dilecto filio Archipresbytero & ma-
gistro Hugoni Canonicó Florentinis no-
stris dedimus litteris in mandatis ut parti-
bus convocatis, & auditis hinc inde pro-
positis, si constaret eisdem quod sapedic-
tus Episcopus Abbatem ipsum traxisset
ad judicium seculare, eundem à pontifi-
cali officio suspendentes, revocarent in ir-
ritum quicquid per secularem judicem
contra ipsum Abbatem fuerat attentatum,
& jamdictum Episcopum ecclesiastica di-
strictione compellerent ad restitutionem
librorum quos sibi fecerat per secularem
potestatem auferri, & expensarum atque
damnorum quæ propter hoc Abbas in-
currerat sapedictus, audituri postmodum
causam & appellatione remota fine debito
decisuri. Sanè judices ipsi, mandato no-
stro suscepimus, Episcopum ipsum legitimè
citaverunt, assignato sibi termino compe-
tentia; quem idem præveniens, quandam
nuntium ad corum præsentiam destinavit,

108 **Epistolarum Innocentij III.**

qui quasdam litteras exceptiones frivolas continentes presentavit eisdem , inhibens ipsi ne in facto procederent appellando. Ipsi vero , cognito quod non erat appellationi hujusmodi deferendum , eundem iterum citaverunt ; sed ipse ad terminum sibi praefixum nec per se nec per responsalem idoneum comparuit coram eis. Verum quia interim judices ipsi nostrum recepero praeceptum ut nonobstantibus frivolis exceptionibus quas idem Episcopus malitiosè dicebatur proponere in dispensum monasterij memorati , in ipso negotio juxta prioris mandati nostri terminum sublatu appellationis obstaculo prævia ratione procederent , eundem Episcopum iterum peremptoriè citaverunt. Sed ipse coram eis nec per se termino constituto comparuit , nec per idoneum responsalem ; immo ad presentiam nostram accedens , & Abbatem nobis afferens suggestisse quod ipse illum super causa spirituali ad judicium traxerat seculare , quantumcunque institerit ut transmisfas ad eos dignaremur litteras revocare , tandem obtinuit istud solum ad Episcopum Florentinum , ut ipse inquisita plenius & cognita veritate , si praefatum Episcopum inveniret eundem Abbatem super institutione plebis vel alia spirituali causa ad forum seculare traxisse , contra eundem Episcopum juxta formam in prioribus literis comprehensam sublatu appellationis obstaculo procedere non tardaret. Cumque judices supradicti , hujusmodi adhuc commissionis ignari , ut eidem omnem auferrent materiam malignandi , ad instantiam cuiusdam Lucani Canonici , qui se ipsius numeri asterebat , viginti septem dierum inducias concessissent , demum Episcopus Plebanum de Capiano direxit ad eos , sibi litteras nostras , quas dicto Episcopo misimus , demonstravit. Ceterum cum articulus ille qui fuerat Episcopo commissus eidem , fuisse in ejus praesentia expeditus , & judices ipsi vellens in negotio ipso procedere , accessit ad eos Plebanus praedictus , non tamen ad prosecutionem caute sufficenter instructus. Quare ad ipsius malitiam convincendam eidem sex dierum inducias concesserunt. Tunc praefatus Episcopus constituto termino praefatum Plebanum sufficenter instructum ad eorum presentiam destinavit. Partibus igitur in eorum praesentia constitutis , saepedictus Abbas afferuit quod praefatus Episcopus ipsum in causa civili , pro facto tamen plebis praedictæ , traxit ad judicium seculare , occa-

sione videlicet cuiusdam arbitrij quod jam dudum inter Episcopum & Abbatem super ipsa plebe fuerat promulgatum ; propter quod in quinquaginta libris & amplius a seculari judice fuerat condemnatus. Vnde memoratum Episcopum juxta mandati nostri tenorem puniri & ad restitutionem damnorum & expensarum quas hoc fecerat eundem compelli cum instantia postulavit. Responsatis vero Episcopi quasdam litteras ejusdem porrexit inter cetera continentes quod ipse coram nobis requisitus responderat quod memoratum Abbatem super jure civili ad forum traxerat seculare , nec super hoc à nobis fuerat reprehensus. Vnde dicebat quod non tenebatur super hoc respondere Abbatem , & judices procedere non debebant. Præterea afferuit litteras nostras illius consuetudinis veritate impletatas qua in civitate Lucana Clerici coram laicis qui treugiani dicuntur in causa civili se confuerunt ad invicem convenire. Afferuit etiam quod nostræ intentionis non fuerat ut dictus Episcopus puniretur , si super re civili tantum ad seculare judicium traxisset Abbatem. Ex parte vero Abbatis extitit replicatum quod hujusmodi consuetudo erat contra ius canonicum & civile , & post appellationem ad nos rationabiliter interpositam , sicut apparuit per publica instrumenta & commissiones à nobis obtentas , dictus Episcopus eum in seculari foro præsumpsisset convenire. Cum igitur per publicum instrumentum sepefatis judicibus constisset quod Abbas tractus fuerat ab ipso Episcopo super re civili ad judicium seculare , & Abbas proposuisset quod licet consuetudo praedicta alios tangeret Clericos , ipsum tamen tangere non debebat , cum sit exemptus , sicut apparuit per privilegia Pontificum Romanorum , & ipsi parati essent legitimè procedere in negotio supradicto , responsalis Episcopi quasdam frivolas exceptiones proponens ad sedem apostolicam appellavit , & responsionem aliquam non expectans , statim illicientatus recessit. Iudices vero utriusque mandati tenore diligenter inspecto , & habito prudentium virorum consilio , non duxerunt appellationi hujusmodi aliquatenus deferendum , sed eundem Episcopum pro multipli contumacia manifesta suspenderunt à celebratione Missarum , ex parte Dei omnipotentis & nostra precipientes eidem ne de cetero Missam præsumeret celebrare donec per se vel responsalem idoneum ad presentiam accederet eorum-

dem, exhibitus Abbari prædicto justitię complementum. Et ne de sua fraude commodum reportaret, recepto ab eodem Abbate corporaliter juramento quodidem sigillatim & diligenter secundum ipsorum taxationem expensas quas fecit & damna quae pertulit occasione ipsius Episcopi declaravit pro ducentis quinquaginta libris, in possessionem omnium reddituum quos dictus Episcopus haberet in castello, curte, ac districtu sancte Marię in monte eundem Abbatem fecerunt induci, Archipresbytero & Capitulo Lucano mandantes ut eundem Episcopum denuntiarent à Missarum celebratione suspensus. Licet autem Archipresbyter ipse suspensionis sententiam denuntiasse eidem, ipse tamen in festivitate omnium sanctorum, sententia ipsa contempta, publicè ac solemniter celebravit. Vnde petebat procurator prædictus ut processum judicem prædictorum auctoritate dignaremur apostolica confirmare. Procurator verò Episcopi proposuit exadverso quod cùm negotium fuisset Episcopo Florentino commissum, & ipse tandem abolitus ab eo, utpote cui patuit per confessionem Abbatis quod etiam ipse in spirituali causa non traxerat eum ad judicium seculare, legitimè appellaret ab eis qui volebant ipsum à prædicto Florentino Episcopo absolutum compellere super hoc iterum litigare. Vnde quod factum erat ab ipsis post appellationem ad nos interpositam censeretur petebat irritum & inane. Nos igitur iis & aliis quae coram Cardinale prædicto fuerant proposta per relationem ipsius plenius intellectis, Episcopi appellationem illegitimam decernerent, processum approbavimus judicem prædictorum, eundem Episcopum, qui præsumpsit post denuntiationem sibi factam Missarum solemnia celebrare, à sacerdotali & pontificali officio suspendentes. Quocirca discretioni veltræ per apostolica scripta mandamus quatenus latam à nobis sententiam publicantes, faciatis eandem firmiter observari. Datum Romæ apud sanctum Petrum Nonis Ianuarij, anno decimo.

*ABBATI AVG ENSI,
& Conrado Decano de Wlde Constantiensis dioecesis, & Magistro Conrado scholastico Curiensi.*

*Ips. 133.
De Presbytero
liberato & in
ca. 1500.
Op. Cim di
cili. De pur
pe. cass.*

Cum dilectis filiis H. Presbytero & G. procuratori O. Clerici constitutis in praesentia nostra dilectum filium T. Subdiaconum & Capellanum nostrum concessissimus auditorem, idem procurator

propositus coram eo quod cùm dictus Presbyter super incestus crimen fuisse publicè infamatus, bonæ memorie Constantiensis Episcopus ordinarius judex eidem purgationem indixit: qui cùm se purgare nequisset, ab eodem Episcopo fuit in plena synodo suis Ecclesiis sententialiter defitus, quas ipse nihilominus detinuit aliquandiu per violentiam occupatas. Cumque postmodum idem Presbyter cujusdam consanguinei sui uxorem abduclam in domo publicè detineret, ad petitionem H. Plebani de * Herisio & quorundam aliorum Clericorum Constantiensis dioecesis dilectis filiis de Scennis & de * Vlstrou Decanis ejusdem dioecesis nostras dicimus sub hac forma litteras destinasse, ut videlicet si prædictus Presbyter super crimen adulterii & incestus coram ipsis se purgare non posset, ipsum poena debita castigarent. Qui juxta mandati nostri tenorem in negotio procedentes, cùm constitisset eidem quod idem Presbyter, pro eo quod in purgatione defecerat, ab Episcopo memorato fuerat in synodo condemnatus, ipsum, utpote contumacem, prædictis Ecclesiis per sententiam privaverunt; maximè cùm de incestu & adulteri crimine tamquam de notorio manifestè liqueret eisdem; dilecto filio Abbati sancti Galli, ad quem illarum Ecclesiarum donatio pertinebat, potestatem liberam concedentes Ecclesiæ ipsas personis alias conferendi; qui eas postea supradicto Clerico assignavit. Verum idem Presbyter ad sedem apostolicam veniens, & falso se afferens prætermisso juris ordine spoliatum, ad Abbatem de domo sancti Petri & suos coniuges alteri parti omnino suspectos nostras litteras reportavit. Qui eidem O. litterarum ipsarum copia denegata, & probacionem ipsius super falsitate litterarum admittere recusantes, juris ordine prætermisso post appellationem ad nos legitimè interpositam restitutionis sententiam pro eodem Presbytero protulerunt, quod se loco & tempore probaturum per legitimos testes proponebat. Dictus verò Presbyter ex adverso respondit quod licet super præmissis criminibus ab inimicio fuisse æmulis infamatus, & à Constantiensi Capitulo propter hoc eidem indicta purgatio, ipsam tamen nullus recipere voluit, licet eam paratus fuerit infra præfixum sibi terminum exhibere, adiens quod processus judicem prædictorum debebat meritò retractari, cùm lite non contestata, & post appellationem ad nos interpositam, præ-

* In tert. coll.
Humiso, Cod.
Colbert, He-
wife, Ande-
gav. Hanso.
* Codex Col-
bert, Vviffori,
Andeg. Vcello-
ri.